



Број/Број: 01/4-50-1-4-64/10
Сарајево/Sarajevo, 6.4.2010. godine

Z A P I S N I K

64. sjednice Komisije za finansije i budžet Predstavničkog doma Parlamentarne skupštine BiH, održane 6.4.2010. godine, od 11 do 11,20 sati.

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Adem Huskić i Salko Sokolović.

Sjednici nisu prisustvovali: Savo Erić, Bajazit Jašarević, Zlatko Lagumdžija i Drago Kalabić, članovi Komisije.

Sjednici su također prisustvovali: Ćinita Fočo, direktor Agencije za javne nabavke BiH, Amir Pilav, predsjedavajući Ureda za razmatranje žalbi, Christian Haupt, direktor, i Lada Mujkić, asistent pri projektu USAID PSP u BiH, Samir Mušović, konsultant PKF/DFID, Medina Delalić, viši stručni saradnik u Sektoru za odnose s javnošću, te Željko Kosmajac, sekretar, i Muhameda Humačkić, stručni saradnik pri ovoj komisiji.

Za sjednicu je predložen sljedeći

DNEVNI RED

1. Usvajanje Zapisnika 63. sjednice Komisije;
2. Razmatranje Prijedloga zakona o izmjeni Zakona o javnim nabavkama BiH – druga komisijska faza (predlagač: Ustavnopravna komisija Predstavničkog doma);
3. Tekuća pitanja.

Predloženi dnevni red jednoglasno je usvojen.

Ad.1. Usvajanje Zapisnika 63. sjednice Komisije

Zapisnik 63. sjednice jednoglasno je usvojen, bez primjedbi.

Ad.2. Razmatranje Prijedloga zakona o izmjeni Zakona o javnim nabavkama BiH – druga komisijska faza (predlagač: Ustavnopravna komisija Predstavničkog doma)

U uvodu predsjedavajući Komisije naveo je da se Prijedlog zakona o izmjeni Zakona o javnim nabavkama BiH raspravlja u drugoj komisijskoj fazi, te da u amandmanskom roku, koji je istekao 2.4.2010., nije bilo uložених amandmana.

Zatim je riječ ponudio predlagaču zakona, te predstavnicima Agencije za javne nabavke BiH i Ureda za razmatranje žalbi.

U raspravi je konstatirano da su određeni članovi Komisije istovremeno i članovi Ustavnopravne komisije Predstavničkog doma Parlamentarne skupštine BiH, koja je predlagač zakona, te da, u ime predlagača, nemaju ništa bitno iznijeti na Prijedlog zakona u ovoj komisijskoj fazi, pogotovo jer nije bilo uložених amandmana.

Istog mišljenja bili su Ćinita Fočo, direktorica Agencije za javne nabavke BiH, i Amir Pilav, predsjedavajući Ureda za razmatranje žalbi.

Nakon iznesenih konstatacija, Komisija je:

1. konstatirala da na Prijedlog zakona nije dostavljen nijedan amandman.
2. jednoglasno prihvatila tekst Prijedloga zakona o izmjeni Zakona o javnim nabavkama BiH, uz konstatiranje neophodnosti njegovog donošenja, te Predstavničkom domu Parlamentarne skupštine BiH predložila njegovo usvajanje.

Ad.3. Tekuća pitanja

U okviru ove tačke dnevnog reda članovi i sekretar Komisije usaglasili su termin održavanja naredne 65. sjednice Komisije za četvrtak, 15.4.2010., u 10 sati, na kojoj će biti dogovorene pojedinosti u vezi s posjetom članova Komisije dvjema institucijama BiH, i to: Centralnoj banci BiH i Uredu za reviziju institucija BiH.

Sekretar Komisije

Željko Kosmajac

Predsjedavajući Komisije

mr. ecc.sc. Sadik Bahtić